

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A UNIVERSIDADE DE VIGO PARA O FINANCIAMENTO DO PROGRAMA UNIVERSITARIO PARA MAIORES NO EXERCICIO 2026

Lugar e data da sinatura dixital

REUNIDOS

Dunha parte:

Dunha parte, Dona Fabiola García Martínez, actuando en nome e representación da Consellería de Política Social e Igualdade, na súa condición de conselleira de Política Social e Igualdade, nomeada polo Decreto 44/2024, do 14 de abril, en uso das facultades que lle veñen atribuídas no artigo 34 da Lei 1/1983 do 22 de febreiro, de normas reguladoras da Xunta e da súa Presidencia, así como no Decreto 42/2024, do 14 de abril, polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade e no establecido no Acordo do Consello da Xunta de Galicia, do 27 de marzo de 1991.

Doutra parte:

Don Manuel Joaquín Reigosa Roger, Reitor Magnífico da Universidade de Vigo, con NIF Q8650002B, nomeado segundo o Decreto da Comunidade Autónoma de Galicia 110/2022, do 9 de xuño, publicado no *Diario Oficial de Galicia* nº 117, do 20 de xuño de 2022, de acordo coas competencias que lle outorga o artigo 50 da Lei orgánica 2/2023, do 22 de marzo, do sistema universitario, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019.

Interveñen en función dos seus respectivos cargos e no exercicio das facultades que para convir no nome das entidades que representan, teñen conferidas



EXPOÑEN

I. Que as administracións públicas poden celebrar convenios de colaboración con outras entidades públicas, así como con persoas xurídicas suxeitas ao dereito privado, ao abeiro do artigo 6.2 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014; na Lei 40/2015, do 1 de outubro, de réxime xurídico do sector público e máis no Acordo do Consello da Xunta do 27 de marzo de 1991.

II. Que o Estatuto de autonomía de Galicia, no seu artigo 27.23 confírelle á Comunidade Autónoma de Galicia a competencia exclusiva en materia de asistencia social, sendo transferida esta competencia polo Real decreto 258/1985, do 23 de xaneiro, e asumidas pola Xunta de Galicia segundo o Decreto 54/1985, do 21 de marzo.

III. Que a Consellería de Política Social e Igualdade é o órgano superior da administración autonómica ao que lle corresponde as competencias en materia de asistencia social, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade. Correspóndelle a dita consellería propoñer e executar as directrices xerais do goberno no ámbito do benestar que engloban, entre outras, as competencias en materia de servizos sociais incluíndo as políticas de familia, menores, benestar social, inclusión social, servizos comunitarios, atención ás persoas con discapacidade e ás persoas maiores, a promoción da autonomía persoal e a atención ás persoas en situación de dependencia.

IV. A Universidade de Vigo é unha entidade pública dotada de personalidade xurídica e patrimonio propio que goza de autonomía, de acordo coa Constitución e a Lei orgánica 2/2023, do 22 de marzo, do sistema universitario e a Lei 6/2013, do 13 de xuño, do sistema universitario de Galicia.

Son funcións da universidade ao servizo da sociedade, entre outras, a creación, desenvolvemento, transmisión e crítica da ciencia, da técnica e da cultura, a preparación para o exercicio de actividades profesionais que esixan a aplicación de coñecementos e métodos científicos e para a creación artística e, especialmente, a difusión do coñecemento e a cultura a través da extensión universitaria e a formación-ao longo de toda a vida, dispoñendo da experiencia, capital humano e medios axeitados para o desenvolvemento do *Programa Universitario para maiores*, obxecto de concesión dunha subvención a través da sinatura deste convenio de colaboración.



Co obxectivo de dar formación ao longo da vida, o plan estratéxico da Universidade de Vigo recolle, entre os seus obxectivos, o desenvolvemento dunha oferta de titulacións propias, entre elas as do *Programa universitario para maiores*, tanto presencial coma en liña, que responda ás necesidades da contorna.

Obxectivos do programa:

- Fomentar a participación do estudiantado na sociedade actual.
- Potenciar o seu labor como axente dinamizador do seu propio contexto sociocultural.
- Formar o estudiantado no proceso de adaptación aos cambios da sociedade.
- Facilitar as relacións intra e interxeracionais.
- Garantir os instrumentos necesarios para a aprendizaxe ao longo da vida.

Así, o *Programa universitario para maiores* oferta as seguintes titulacións propias: Formación ao longo da vida profesional tanto externa como interna; Programa de maiores e formación complementaria e impártese, simultaneamente, nos Campus de Ourense, Pontevedra e Vigo.

Este programa conta con dous ciclos: Ciclo Intensivo e Ciclo Integrado.

O Ciclo Intensivo está constituído por materias específicas creadas para as persoas maiores de 55 anos.

O Ciclo Integrado está destinado ao alumnado do Programa que teña superado o Ciclo Intensivo. Neste ciclo o alumnado pode continuar os seus estudos asistindo a materias de titulacións oficiais de grao para compartir espazos e actividades co demais alumnado de grao matriculado nas mesmas titulacións.

No Ciclo intensivo, as actividades que se desenvolven son as propias da aprendizaxe ao longo da vida adaptado ás persoas maiores de 55 anos. O desenvolvemento realizarase a través da asistencia a clases teóricas, traballos en grupo, grupos de discusión, estudo de casos e asistencia a prácticas e saídas ao campo.

Este ciclo intensivo ten unha carga académica de 84, 81 e 118,5 créditos distribuídos en materias de 3 créditos e en actividades complementarias de 2 e 1,5 créditos. As materias estarán orientadas á divulgación de diferentes temas científico-culturais, facilitando a análise e a reflexión sobre aspectos relacionados con elas mesmas e outras persoas; a contorna natural, social, cultural e científica; a evolución e as achegas da humanidade; a sociedade e a



cultura actual e futura. Tamén terán como obxectivo, no seu conxunto, iniciar posibles orientacións temáticas con vistas á continuación de estudos no ciclo integrado.

Para o ano natural 2026 o programa para maiores que se pretende subvencionar, abarca parte das actividades dos cursos académicos 2025-2026 e 2026-2027.

V. A Consellería de Política Social e Igualdade e a Universidade de Vigo consideran de interese que as persoas maiores, debido ao aumento da esperanza de vida e que a meirande parte delas gozan de boa saúde, poidan compartir coa sociedade as súas experiencias e ao mesmo tempo acadar novos coñecementos. De igual forma recoñecen a necesidade de crear e potenciar as actividades educativas, culturais e formativas que lle faciliten a estas persoas o seu desenvolvemento persoal e social. Para alcanzar esta finalidade, cómpre establecer mecanismos axeitados para a realización de accións concretas e obter a maior eficacia.

A Consellería de Política Social e Igualdade e a Universidade de Vigo establecen a súa colaboración cara á formación das persoas maiores, a través da concesión directa dunha subvención para a realización deste programa de desenvolvemento científico-cultural, dirixido a promover a ciencia e a cultura entre as persoas maiores, ao mesmo tempo que as relacións interxeracionais.

Así, a Consellería de Política Social e Igualdade e a Universidade de Vigo recoñecen a necesidade de crear e potenciar as actividades educativas, culturais e formativas que lles faciliten ás persoas maiores o seu desenvolvemento persoal e social.

VI. Tendo en conta, por unha banda, a especificidade das características da actividade que se vai financiar por razón do colectivo ao que van dirixidas, e por outra, a ausencia no ámbito territorial de aplicación de entidades alternativas que expidan títulos universitarios para este colectivo, que dispoñan da infraestrutura material e medios humanos esixibles e a súa adecuación ao ámbito competencial da Consellería de Política Social e Igualdade, conforme ao previsto no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, considéranse razóns que acreditan o seu interese social, quedando xustificada a imposibilidade de promover a concorrencia pública en aplicación do artigo 19.4c) e 26.2.a) da Lei 9/2007, do 13 de xuño, de subvencións de Galicia e do artigo 40 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Por todo elo, as partes comparecentes, na representación que ostentan,



ACORDAN

Asinar o presente convenio de colaboración en base ás seguintes

CLÁUSULAS

PRIMEIRA. Obxecto e persoas beneficiarias

O presente convenio ten por obxecto contribuír ao financiamento pola Consellería de Política Social e Igualdade, a través da concesión directa dunha subvención pública para a realización pola Universidade de Vigo nos seus campus de Ourense, Pontevedra e Vigo, dun programa universitario específico denominado *Programa universitario para maiores*, no exercicio 2026.

Trátase dun programa de desenvolvemento sociocultural dirixido ás persoas maiores de 55 anos, con ou sen titulación, que favorece a súa incorporación á vida universitaria.

Con este programa enmarcado dentro do Centro de Posgrao e Formación Permanente, facilítaselles ás persoas maiores de 55 anos o seu desenvolvemento persoal e social, ao mesmo tempo que se potencian as relación intra e interxeracionais.

SEGUNDA. Actuacións subvencionables

1. Considéranse actuacións subvencionables as derivadas da actividade académica do *Programa universitario para maiores* no ano natural 2026 comprendidas tanto no segundo cuadrimestre do curso académico 2025-2026, como no primeiro cuadrimestre do 2026-2027.

O *Programa universitario para maiores* consta de dous ciclos: Ciclo intensivo e Ciclo integrado.

O número total de materias que se oferta no Ciclo Intensivo, nos catro cursos que conforman o mesmo son: 32 no Campus de Ourense, 41 en Pontevedra e 59 no Campus de Vigo, distribuídas como a continuación se relaciona:

a) Campus de Ourense, segundo cuadrimestre do curso académico 2025-2026:

1º. Primeiro Curso:

- Introducción á informática
- Introdución á filosofía contemporánea
- Inglés I
- Cultura e pensamento
- Comunicación corporal



2º. Segundo Curso:

- Temas actuais de economía
- Unión Europea
- Análise sensorial de alimentos
- Comunicación e habilidades sociais
- Temas actuais de economía

3º. Terceiro Curso:

- Ciencia, tecnoloxía e cultura
- Fundamentos de meteoroloxía
- Móviles e Produtividade Dixital
- Presenza europea no mundo

4º. Cuarto Curso:

- Diversidade paisaxística e cultural
- Grandes problemas ambientais no noso tempo
- Microorganismos e saúde humana

b) Campus de Ourense, primeiro cuatrimestre do curso académico 2026-2027:

1º. Primeiro Curso:

- A importancia da saúde
- Introdución á nosa historia
- Inglés II
- Cuestións prácticas de dereito
- Informática básica

2º. Segundo Curso:

- Dereito básico
- Identidade psico-social da persoa adulta
- Internet e Redes Sociais
- Comer con ciencia

3º. Terceiro Curso:

- Intelixencia emocional
- Introdución a música e expresión musical



- Novas a maiores
- Como entender os impostos

4º. Cuarto Curso:

- Dieta galega e saúde
- Imaxes/vídeos e Intelixencia Artificial
- Sexualidade e afectividade ao longo do ciclo vital

c) Campus de Pontevedra, segundo cuadrimestre do curso académico 2025-2026:

1º. Primeiro Curso:

Introdución á informática

- A nosa cidade e as súas cousas
- Fotografía con Smartphone I
- Introdución ao sistema xurídico español
- Grandes problemas ambientais do noso tempo I
- Historia e estética do cinema I

2º. Segundo Curso:

- Xadrez: ximnasia para o cerebro
- Inglés I
- Fotografía con Smartphone II
- Protección do patrimonio cultural
- Ciencia e vida. Experiencias desde a vivencia

1º Auxilios e autoprotección para maiores no medio terrestre e acuático

3º. Terceiro Curso:

- Europa: significado, historia e cultura
- Inglés III
- Imprescindibles da Literatura Española
- Ecocrítica e Literatura Galega
- Cultura científica



4º. Cuarto Curso:

- Filosofía da ciencia e da tecnoloxía
- Lingua galega
- Crítica literaria

d) Campus de Pontevedra, primeiro cuadrimestre do curso académico 2026-2027:

1º. Primeiro Curso:

- Saúde física e mental nos adultos maiores
- Introdución á nosa historia I
- Historia da arte
- Relacións públicas e comunicación corporativa
- Marcha Nórdica I
- Exercicio físico en adultos maiores

2º. Segundo Curso:

- Claves para entender a publicidade
- Marcha Nórdica II
- Inglés II
- Introdución á nosa historia II
- Introdución á informática II
- Historia e estética do cinema II
- Seguridade e conflitos internacionais

3º. Terceiro Curso:

- Introdución á ecoloxía evolutiva
- Marcha Nórdica III
- Coidados para favorecer o envellecemento activo e saudable
- Pilates sénior
- Lingua e cultura francesas



4º. Cuarto Curso:

- Ciencia política, cidadanía e gobernanza
- Temas de economía
- Biomecánica: coñece como funciona o teu corpo

e) Campus de Vigo, segundo cuadrimestre do curso académico 2025-2026:

1º. Primeiro Curso:

- Introdución á informática
- Lingua galega
- Obradoiro de física básica, astronomía e astrobioloxía
- Historia da arte
- Filosofía centrada no autoconhecimento
- Oratoria

2º. Segundo Curso

- Tecnoloxía do noso contorno
- Zooloxía: a diversidade do mundo animal
- Historia de Galicia I
- Inglés I
- Todo é Ciencia
- A política: da barra do bar a mesa de café
- Introdución á Unión Europea

3º. Terceiro Curso

- Psicoloxía na idade adulta I
- Panorámica do cine español dos anos 50
- Historia de Galicia II
- Xeografía de Galicia. Paisaxes naturais e humanas
- Historia de Arte II
- Taller de socioloxía: temas de actualidade II
- Inglés III

4º. Cuarto Curso



- Historia da ciencia, tecnoloxía e cultura
- Introdución á elaboración de guións cinematográficos
- Novas tecnoloxías
- Cogomelos: usos na cultura galega
- A xenética e a humanidade 1
- Historia das ideas evolucionistas
- Literatura Grecolatina: La República Romana
- Intelixencia artificial. Primeiros pasos

f) Campus de Vigo, primeiro cuadrimestre do curso académico 2026-2027:

1º. Primeiro Curso:

- Fisioloxía humana e saúde
- A promoción da saúde e o autocoidado
- Informática avanzada
- Olladas sobre a arquitectura de Vigo
- Lingua galega II
- A nosa cidade e as súas cousas
- Historia da química
- Usos das plantas en Galicia
- Matemáticas recreativas

2º. Segundo Curso

- Aforro e investimento en economías domésticas
- Aproximación á linguaxe da comunidade xorda
- Taller de artes creativas
- Tecnoloxía do noso contorno II
- Inglés II
- Taller de socioloxía: temas de actualidade
- Usos das plantas en Galicia II
- Materiais en Medicina: da teoría á práctica
- Unha química ben guisada



3º. Terceiro Curso

- As novelas exemplares de Cervantes: unha literatura para lecer
- Psicoloxía na idade adulta II
- Linguaxe musical e educación auditiva
- Cultura galega
- Linguaxe musical e educación auditiva III
- Inglés IV

4º. Cuarto Curso

- Pensamento racional e científico
- Linguaxe musical e educación auditiva II
- Ciencia e conservación do Patrimonio Cultural
- Materiais en Enxeñería. Da teoría á práctica
- Linguas e culturas do mundo
- Historia das ideas evolucionistas contemporáneas
- Historia da Música Occidental

3. Polo que se refire ao ciclo integrado, a oferta neste ciclo realizarase con materias que sexan impartidas nalgunha das titulacións oficiais de grao da Universidade de Vigo e que cada centro, en cada un dos tres campus, oferte para o *Programa universitario para maiores*, durante o ano natural 2026 subvencionado, abarcando parte das actividades dos cursos académicos 2025-2026 e 2026-2027, como xa se indicou.

Así, as materias ofertadas clasificaranse en catro ámbitos de coñecemento en función da titulación de orixe: humanidades, ciencias, enxeñería ou ciencias sociais e xurídicas.

Para a matrícula, o alumnado do ciclo integrado deberá elixir entre todas as materias de grao que se lle oferten no campus elixido, e que se desenvolverán ao longo dos dous cuatrimestres en cada un dos campus.

No Ciclo Integrado, por Campus, a previsión da oferta é:

- Ourense 103 materias.
- Pontevedra 49 materias.
- Vigo 84 materias.



4. Ademais das actividades regradas de cada unha das materias que compoñen o plan de estudos do *Programa universitario para maiores* están previstas outras actividades complementarias que se desenvolverán ao longo dos cursos académicos 2025-2026 e 2026-2027, que son as seguintes:

a) Campus de Ourense:

1º. O 20 de xaneiro tivo lugar unha visita a unha estación meteorolóxica no Carballiño. Esta actividade enmarcase na materia Fundamentos de Meteoroloxía.

2º. O 20 de xaneiro realizouse unha visita á Pontevedra. Esta actividade enmarcase na materia Diversidade paisaxística e cultural.

3º. Prevense diversas saídas de estudos no marco de distintas materias do segundo cuadrimestre, entre as que caben salientar as seguintes:

. A saúde é o que importa. Saída ao 061, o día 18/03/2026

. A saúde é o que importa. Saída ao Museo do Médico Rural, o día 16/04/2026

. Introducción á nosa historia. Saída á Coruña, o día 20/05/2026

. Comer con ciencia. Saída ao CETECA, o día 26/05/2026

. Intelixencia Emocional: Saída a Lalín, Museo do Xoguete, o día 05/05/2026

b) Campus de Pontevedra:

1º. O 19 de xaneiro levouse a cabo a saída de estudos da materia "Introdución ao sistema xurídico español" do Campus de Pontevedra.

2º. O día 3 de marzo, está organizado un seminario, titulado "A ciberseguridade en ámbitos profesionais: como protexer os datos persoais" cuna duración de 2h.

3º. Prevese para o día 18 ou 25 de marzo unha saída de estudos da materia "Introdución á Ecoloxía Evolutiva" á Misión Biolóxica de Galicia.

4º. Prevese para o día 15 ou 22 de abril unha saída de estudos das materias "A nosa historia I" e "A nosa historia II" ao Museo Marco de Vigo para a exposición "País Ilustrado".



5º. Sábado 9 de maio. Participación en Pontenciencia 2026. Feira da miniciencia organizada polo Concello de Pontevedra en colaboración coa FECYT e que se desenvolve cada ano na Escola de Enxeñería Forestal de Pontevedra.

6º. Para xuño está prevista a participación nas xornadas "Embaixadores da Ciencia".

c) Campus de Vigo:

1º. O 12 de xaneiro. Clase práctica de informática co programa Stellarium, actividade relacionada coa materia "Obradoiro de física, astronomía e astrobioloxía".

2º. O 19 de xaneiro. Práctica de laboratorio relacionada coa materia "Zooloxía: a diversidade do mundo animal" .

3º. O 16 de xaneiro. Visita á Axencia Europea do Control da Pesca, coa materia "Introdución á Unión Europea".

4º. O 19 de xaneiro. Visita ao Parlamento Galego, coa materia "A Política".

5º. O 23 de xaneiro. Saída ao Museo Provincial de Pontevedra co alumnado de segundo curso, materia de Historia de Galicia 1.

6º. O 30 de xaneiro. Saída de campo relacionada coa materia "Xeografía de Galicia: paisaxes naturais e humanas", que se veu desenvolvendo ao longo do primeiro cuadrimestre do curso.

7º. O 12 de febreiro. Visita a ascensores ENOR, situado no Parque Tecnolóxico e Loxístico de Vigo. Alumnado de segundo, que cursa a materia "Tecnoloxía do noso contorno".

8º. O luns 23 de febreiro. Visita ao Laboratorio de Ciencia de Materiais da Escola de Enxeñería Industrial. ~~Θ~~ Alumnado da materia de cuarto curso "Materiais en Enxeñería" .

9º. No mes de marzo, prevese a visita aos laboratorios de Ciencia de Materiais da Escola de Enxeñería Industrial (sede Campus). Alumnado da materia de cuarto curso "Materiais en Medicina"-

10º. Visita ao Observatorio Astronómico de Forcarei, alumnos de primeiro curso da materia "Obradoiro de física e astronomía recreativa"

11º. No mes de abril. Preparación de experimentos e/ou actividades para o "obradoiro". Participación en Pontenciencia 2026. Alumnos das materias "Materiais en Medicina" e "Materiais en Enxeñería".





12º. Sábado 9 de maio. Participación en Pontenciencia 2026.

13º. No mes de maio: prevese a visita a Pontevedra Centro. Alumno/as de cuarto curso da materia "Ciencia e conservación do patrimonio cultural"

14º. No mes de maio: prevese dúas visitas á arquitectura e elementos patrimoniais de Vigo. Alumno/as que cursan a materia, "A nosa cidade e as súas cousas"

15º. No mes de maio/xuño: prevese a visita ao Centro de Investigacións Forestais de Lourizán. Obxectivos: aplicar os contidos teóricos da materia

16º. No mes de maio/xuño: prevese a visita ao "Centro de Investigación en Nanomateriais e Biomedicina (CINBIO). Centro de investigación multidisciplinar da Universidade de Vigo. Asistentes: alumnado do primeiro curso matriculado na materia *Fisioloxía humana e saúde*.

17º. No mes de maio/xuño: prevese a saída de fin de curso da materia "Cultura Galega".

18º. Para xuño está prevista a participación nas xornadas "Embaixadores da Ciencia"

TERCEIRA. Orzamento

A previsión do orzamento de gastos para o desenvolvemento das actuacións que no marco do *Programa universitaria para maiores* a subvencionar a través deste convenio ten previsto desenvolver a Universidade de Vigo, é de **96.800,66 €**.

Para o cumprimento da finalidade prevista na cláusula primeira a Consellería de Política Social e Igualdade achegará durante o exercicio 2026, un total de **trinta e dous mil euros (32.000,00 €)** con cargo á aplicación orzamentaria 08.05.312E.444.0. proxecto 2026-08-0176

Segundo a Lei 4/2025, do 23 de decembro, de orzamentos xerais da Comunidade Autónoma de Galicia para o ano 2026, esta previsto crédito axeitado e suficiente para poder dar cobertura económica aos compromisos contraídos en virtude deste convenio.

O importe da subvención destinarase a cubrir os gastos de persoal e de natureza corrente efectivamente realizados para o desenvolvemento das actuacións recollidas na cláusula segunda durante o ano natural 2026 subvencionado que, como xa se indicou, abarca parte das actividades dos cursos académicos 2025-2026 e 2026-2027. A estes efectos, consideraranse gastos subvencionables os previstos no artigo 29 da Lei 9/2007, do 13 de xuño, de subvencións de Galicia.



CUARTA. Obrigas da entidade

1. A Universidade de Vigo deberá cumprir todos os requisitos necesarios para obter a condición de entidade beneficiaria previstos no artigo 10 da Lei 9/2007, do 13 de xuño, así mesmo deberá cumprir as seguintes obrigas, previstas no artigo 11 da mencionada lei:

a) Realizar as actuacións que conforman o *Programa universitario para maiores* que fundamenta a concesión da subvención e acreditar a súa realización, así como o cumprimento dos requisitos ou das condicións que determinaron a concesión da axuda. O cumprimento desta obriga de xustificación realizarase nos termos previstos no artigo 28 da Lei 9/2007, do 13 de xuño e no artigo 30 da Lei 38/2003, do 17 de novembro, xeral de subvencións, na normativa regulamentaria de desenvolvemento e no disposto neste convenio.

b) Someterse ás actuacións de comprobación, que efectuará a Consellería de Política Social e Igualdade, así como a calquera outra actuación de fiscalización e control financeiro, que poidan realizar a Intervención Xeral da Comunidade Autónoma, o Tribunal de Contas e o Consello de Contas, para o que se facilitará tanta información lle sexa requirida no exercicio das actuacións anteriores.

c) Comunicar a obtención de subvencións, axudas, ingresos ou recursos que financien as actuacións que conforman o programa subvencionado. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

d) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable á entidade beneficiaria en cada caso, así como cantos estados contables e rexistros específicos sexan esixidos no marco do convenio, coa finalidade de garantir o adecuado exercicio das facultades de comprobación e control.

e) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

f) Incluír na publicidade e en todo tipo de documentación e información relacionada coas actuacións do programa obxecto da concesión da subvención a través do convenio e nos



lugares onde estas se realicen: "Subvencionado pola Xunta de Galicia – Consellería de Política Social e Igualdade", co seu respectivo logotipo.

g) No deseño e desenvolvemento do Programa universitario para maiores e das súas actuacións, obxecto da concesión da subvención a través do presente convenio incorporárase, de xeito transversal, o principio de igualdade de oportunidades entre mulleres e homes e terase en conta a perspectiva de xénero no seu deseño e execución.

h) Diseñar e desenvolver as actuacións do programa a subvencionar a través do presente convenio tendo en conta ás necesidades e demandas das persoas maiores con discapacidade e baixo os principios establecidos no Real Decreto Lexislativo 1/2013, do 29 de novembro, polo que se aproba o Texto Refundido da Lei Xeral de dereitos das persoas con discapacidade e da súa inclusión social.

i) Incluír, se é o caso, na súa programación de actividades do Programa universitario para maiores, aquelas que estean destinadas, entre outros ámbitos: á promoción da saúde e o benestar, ao desenvolvemento persoal e ciclo vital, á promoción da participación e do voluntariado e ao uso e manexo das novas tecnoloxías.

j) Cumprir cantas outras obrigas se deriven da execución deste convenio.

2. Asemade, a entidade beneficiaria deberá cumprir a obriga de subministro de información nos termos establecidos no artigo 4 da Lei 1/2016, do 18 de xaneiro, de transparencia e bo goberno.

QUINTA. Obrigas e documentación inicial

En virtude do disposto na Lei 38/2003, do 17 de novembro, xeral de subvencións e no Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións; na Lei 9/2007, do 13 de xuño, e no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a entidade beneficiaria presentará, con carácter previo á sinatura do convenio e xunto co programa de actividades a desenvolver, a seguinte documentación:

a) **Declaración comprensiva de todas as axudas e subvencións** solicitadas ou concedidas para o mesmo programa que se pretende subvencionar a través deste convenio, ou, de ser o caso, unha declaración de que non solicitaron nin percibiron outras axudas ou subvencións.





b) **Declaración responsable**, subscrita polo representante da entidade, de non estar incurso nas prohibicións para obter a condición de beneficiaria de subvencións sinaladas nos números 2 e 3 do artigo 10 da Lei 9/2007, do 13 de xuño.

SEXTA. Compatibilidade con outras axudas

A subvención prevista neste convenio é compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

Segundo o previsto no artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos para a mesma finalidade procedentes de calquera administración ou entes públicos ou privados, nacionais, da Unión Europea ou de organismos internacionais, supere o custo total das actuacións que conforman o programa obxecto de subvención.

SÉTIMA. Forma de pagamento

Respecto ao pagamento da subvención estarase ao disposto na Lei 38/2003, do 17 de novembro, no Real decreto 887/2006, do 21 de xullo, na Lei 9/2007, do 13 de xuño e no Decreto 11/2009, do 8 de xaneiro.

O libramento farase nunha conta corrente da que sexa titular a entidade beneficiaria, nas seguintes condicións:

a) Efectuarase un pagamento do 49 % da totalidade da subvención, con carácter de anticipo a conta da liquidación, unha vez asinado o presente convenio.

A este respecto, esta entidade queda exonerada de constituír as garantías ás que fan referencia os artigos 63.2 e 67 do Decreto 11/2009, do 8 de xaneiro ao entrar no suposto previsto no artigo 65.4 f) do dito decreto.

A previsión do anticipo faise tendo en conta as necesidades financeiras da Universidade de Vigo e destinarase aos gastos de persoal e gastos correntes necesarios para o desenvolvemento das actuacións recollidas na cláusula segunda.

b) O 51% restante farase efectivo unha vez rematadas e xustificadas todas as actividades do programa a subvencionar a través deste convenio.





Con carácter previo ao pagamento poderá consultarse, salvo oposición por parte da entidade beneficiaria, o cumprimento das súas obrigas tributarias, coa Seguridade Social e coa facenda da Administración Pública da Comunidade Autónoma de Galicia, así como non ser debedora por resolución de procedemento de reintegro. De opoñerse terá que facelo de xeito expreso tal e como sinala o artigo 28 da Lei 39/2015, do 1 de outubro, do procedemento administrativo común das administracións públicas e achegar os xustificantes ou documentación necesaria para acreditar o seu cumprimento, no seu caso.

OITAVA. Gastos subvencionables e xustificación

1. Son gastos subvencionables os que cumpran os requisitos fixados polo artigo 29 da Lei 9/2007, de 13 de xuño. O importe da subvención destinarase a cubrir os gastos de persoal e gastos correntes, efectivamente realizados para o desenvolvemento das actuacións recollidas na cláusula segunda e detallados na memoria económica e xustificativa que se vaian realizar no ano 2026. Para estes efectos, considerarase gasto realizado o que foi efectivamente pagado con anterioridade á finalización do período de xustificación que remata o **10 de decembro de 2026**.

2. No momento da presentación da xustificación dos gastos das actuacións do programa a subvencionar a través do convenio e, en todo caso con data límite do **10 de decembro de 2026**, a entidade presentará a seguinte documentación:

a) Informe-memoria detallado de cada unha das actuacións levadas a cabo e/ou as actividades realizadas ao abeiro do programa a subvencionar a través deste convenio, acompañado dunha certificación, asinada pola intervención ou órgano que teña atribuídas as facultades de control da toma de razón en contabilidade, na que se faga constar:

1.º O cumprimento da finalidade da subvención, con especificación das actuacións desenvolvidas en execución do dito programa e dos resultados acadados.

2.º Os distintos conceptos e contías correspondentes aos gastos totais soportados pola entidade beneficiaria imputables ás actuacións subvencionadas coa seguinte relación: identificación da persoa acreedora, número de factura ou documento equivalente, importe, data de emisión e data de recoñecemento da obriga polo órgano competente.



b) Declaración complementaria do conxunto das axudas solicitadas, tanto as aprobadas ou concedidas como as pendentes de resolución para estes mesmos fins, das distintas administracións públicas ou doutros entes públicos ou privados.

Cando formen parte da xustificación, documentos de gastos de nóminas ou que comporten ingresos a conta do Imposto sobre a renda das persoas físicas ou cotas por seguros sociais liquidables con posterioridade á data de xustificación correspondentes a 2026, consideraranse xustificadas coa presentación dunha addenda á certificación da intervención ou órgano que teña atribuídas as facultades de control, na primeira quincena de febreiro de 2027.

A falta de presentación da xustificación no prazo establecido comportará a perda do dereito á percepción da subvención, o que dará lugar á obriga do reintegro desta na súa totalidade, ou da parte proporcional non xustificada e demais responsabilidades establecidas na Lei 9/2007, do 13 de xuño.

NOVENA. Incumprimentos, reintegros e sancións

Producirase a perda do dereito ao cobro total ou parcial da subvención concedida no suposto de falta de xustificación do cumprimento das actuacións que conforman o programa a subvencionar a través deste convenio, dos deberes contidos nestas cláusulas, dos deberes contidos no artigo 33 da Lei 9/2007, de 13 de xuño, ou na demais normativa aplicable, o que dará lugar á obriga de devolver total ou parcialmente a subvención percibida, así como os xuros de demora correspondentes.

O procedemento para declarar a orixe da perda do dereito de cobramento da axuda e para facer efectiva a devolución a que se refire o apartado anterior será o establecido no Título II da Lei 9/2007, do 13 de xuño.

Sempre que se cumpran os requisitos ou condicións esenciais reflectidos no convenio, a Consellería de Política Social e Igualdade poderá apreciar un incumprimento parcial e deberá resolver sobre o seu alcance aplicando a mesma ponderación que tivera a condición incumprida no convenio e, se é o caso, establecendo o deber de reintegro.

Cando se trate de condicións referentes á contía ou conceptos do programa a subvencionar a través deste convenio, o alcance do incumprimento determinarase proporcionalmente ao gasto deixado de practicar ou aplicado a conceptos distintos dos considerados subvencionables e, se é o caso, deberán reintegrarse as cantidades percibidas en dita



proporción. Con carácter xeral, se o incumprimento superara o 65% das actuacións que conforman o programa obxecto da subvención, entenderase que dito incumprimento é total, e deberán reintegrarse todas as cantidades percibidas e o seus xuros de demora.

Á entidade beneficiaria da subvención regulada nestas bases seralle de aplicación o réxime de infraccións e sancións previstas no Título IV da Lei 9/2007, do 13 de xuño e no Título VI do Decreto 11/2009, do 8 de xaneiro.

DÉCIMA. *Inexistencia de relación laboral*

A Universidade da Vigo designará o persoal necesario para realizar as actuacións -do programa a subvencionar relacionadas na cláusula segunda, que poderá ser do cadro de persoal da Universidade, ou contratado para impartir unha materia específica.

A subscrición do presente convenio non leva consigo relación laboral nin contractual entre a Consellería de Política Social e Igualdade e as persoas que realicen as actuacións obxecto do programa a subvencionar a través deste convenio, de tal xeito que non se lle poderá esixir responsabilidade ningunha, nin directa nin subsidiaria, polos actos ou feitos acaecidos no desenvolvemento do mesmo.

DÉCIMO PRIMEIRA. *Subcontratación*

A Universidade de Vigo é a beneficiaria directa da subvención obxecto deste convenio, asumindo a total responsabilidade da execución das actuacións que conforman o programa subvencionado fronte á administración. Non obstante, autorízase a subcontratación da execución de actividades ata o 60 % do importe total das actuacións financiadas a través deste convenio, para a debida execución das actuacións programadas, de acordo co recollido na memoria económica.

A Universidade de Vigo, no seu caso, comunicará a subcontratación á Dirección Xeral de Maires e Atención Sociosanitaria da Consellería de Política Social e Igualdade. A estes efectos será de aplicación o establecido no artigo 29 da Lei 38/2003, do 17 de novembro, e 27 da Lei 9/2007, do 13 de xuño.

DÉCIMO SEGUNDA. *Comisión de seguimento*

Para o seguimento e coordinación das actuacións previstas no presente convenio crearase unha comisión mixta e paritaria na que estarán representados as partes asinantes do mesmo. Esta



comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas no presente convenio e estará formada por dúas persoas representantes da Consellería de Política Social e Igualdade e dúas persoas representantes da Universidade de Vigo, así como as súas suplentes, designadas polas persoas que representen a cada unha das partes.

A persoa que ocupe a presidencia será unha das persoas representantes da Administración designada pola persoa titular da Dirección Xeral de Miores e Atención Sociosanitaria.

A persoa que ocupe a secretaría, que actuará con voz pero sen voto, así como a súa suplencia, será unha persoa adscrita á Dirección Xeral de Miores e Atención Sociosanitaria, designada pola persoa que asuma a Presidencia:

Como órgano colexiado, a comisión someterase ao réxime establecido na Lei 40/2015 de 1 de outubro, do réxime xurídico do sector público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

DÉCIMO TERCEIRA. *Vixencia*

O presente convenio entrará en vigor o día da súa sinatura e terá vixencia ata o 31 de decembro de 2026.

Non obstante, financiaranse os gastos realizados dende o 1 de xaneiro do presente exercicio, sempre e cando correspondan a actuacións do programa formativo a subvencionar ata o 10 de decembro de 2026.

DÉCIMO CUARTA. *Obrigas de publicidade*

O presente convenio será obxecto de publicidade e inscrición de conformidade co disposto no artigo 15 da Lei 1/2016, do 18 de xaneiro e no Decreto 126/2006, do 20 de xullo, polo que se regula o rexistro de convenios da Xunta de Galicia. Así mesmo, será obxecto de publicación e inscrición en cumprimento do disposto no artigo 17 da Lei 1/2016, do 18 de xaneiro, o artigo 15 da Lei 9/2007, do 13 de xuño, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.



As partes asinantes consenten dar publicidade dos seus datos persoais e demais especificacións recollidas no presente instrumento de colaboración, no Portal de Transparencia e Goberno Aberto.

De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicados á Base de Datos Nacional de Subvencións.

DÉCIMO QUINTA. Información básica de protección de datos

As partes asinantes deste convenio garantirán a confidencialidade dos datos persoais aos que teñan acceso como consecuencia das actuacións realizadas en execución deste e de conformidade co disposto na Lei orgánica 3/2018, do 5 de decembro, de protección de datos persoais e garantía dos dereitos dixitais e no Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos).

Os datos persoais recadados neste procedemento serán tratados, na súa condición de responsable, pola Xunta de Galicia-Consellería de Política Social e Igualdade, coa finalidade de levar a cabo a tramitación administrativa derivada da xestión da concesión directa a través deste convenio, que comprende verificar os datos e documentos que a entidade interesada achegue para comprobar a exactitude destes, levar a cabo as actuacións administrativas que se deriven e informar sobre o estado de tramitación.

O tratamento dos datos baséase no cumprimento dunha misión de interese público ou no exercicio de poderes públicos, conforme ás referencias recollidas no enlace <https://www.xunta.gal/información-xeral-proteccion-datos>, derivada dunha competencia legalmente atribuída ao responsable do tratamento, así como o cumprimento das obrigas legais impostas ao dito responsable, de conformidade co disposto no artigo 6.1, letras c) e e) do Regulamento (UE) 2016/679 do Parlamento Europeo e do Consello, do 27 de abril de 2016 e o artigo 8 da Lei orgánica 3/2018, do 5 de decembro, e en concreto a competencia e obrigas previstas nos preceptos básicos da Lei 38/2003, do 17 de novembro, da Lei 9/2007, do 13 de xuño, na Lei 39/2015, do 1 de outubro, na Lei 1/2016, do 18 de xaneiro e na Lei 4/2019, do 17 de xullo, de administración dixital de Galicia. Con todo, determinados tratamentos poderán fundamentarse no consentimento das persoas interesadas, reflectíndose esta circunstancia de conformidade coa normativa de aplicación.





A referencia á publicidade, en cumprimento da normativa de transparencia e subvencións, axustarase a dita normativa e coas limitación que esta establece.

Como destinatarias, os datos serán comunicados ás administracións públicas no exercicio das súas competencias cando sexa necesario para a tramitación e resolución dos seus procedementos ou, para que a cidadanía poida acceder de forma integral á información relativa a unha materia.

As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, no seu caso, o consentimento outorgado a través da sede electrónica da Xunta de Galicia, ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-de-dereitos>. O contacto coa persoa delegada de protección de datos e máis información consultarase no enlace <https://www.xunta.gal/proteccion-datos-persoais>.

DÉCIMO SEXTA. *Réxime xurídico*

O presente convenio terá carácter administrativo rexéndose nos seus efectos polo establecido nas súas cláusulas. Así mesmo, rexerase polo disposto na Lei 38/2003, do 17 de novembro e no Real decreto 887/2006, do 21 de xullo; na Lei 9/2007, do 13 de xuño e no Decreto 11/2009, do 8 de xaneiro. No seu defecto, para resolver as lagoas e dúbidas que puideran presentarse, rexerase polo establecido na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro do 2014, así como pola Lei 40/2015, do 1 de outubro.

A administración gozará de tódalas prerrogativas inherentes á natureza administrativa do convenio.

Todas aquelas cuestións que se susciten en relación co outorgamento da subvención, cumprimento das obrigas inherentes á condición de entidade beneficiaria, a xustificación e o pagamento do importe da subvención, así como o reintegro e determinación das posibles responsabilidades relativa á subvención concedida serán resoltas pola Consellería de Política Social e Igualdade, así como as cuestións litixiosas xurdidas acerca da interpretación, modificación e resolución deste convenio. Os seus acordos esgotan a vía administrativa.



Contra os acordos cabe interpoñer o recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, no prazo dun mes se a resolución fose expresa ou, se o acto non fora expreso, en calquera momento a partir do día seguinte a aquel en que se produza o acto presunto.

Directamente poderá interpoñerse o recurso contencioso - administrativo, no prazo de dous meses contados desde o día seguinte á notificación do acto que poña fin á vía administrativa, se fose expreso. Se non o fora, o prazo será de seis meses e contarase, para a entidade interesada, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso – administrativa.

Para tales efectos o tribunal competente será o Tribunal Superior de Xustiza de Galicia.

E en sinal de conformidade coas estipulacións do presente convenio, asínano ambas partes comparecentes, no lugar e data da súa sinatura dixital.

Pola Consellería de Política Social e Igualdade

Pola Universidade de Vigo

A conselleira

O reitor

Fabiola García Martínez

Manuel Joaquín Reigosa Roger

